

العقيدة الطحاوية 08 - أهل الآخرة

محمد حسين يعقوب

ان الحمد لله احمده تعالى واستعينه واستغفره. واعوذ بالله تعالى من شرور انفسنا ومن سيئات اعمالنا من يهده الله فلا مضل له ومن يضل فلا هادي له واشهد ان لا اله الا الله وحده لا شريك له - [00:00:00](#)

واشهد ان محمدا عبده ورسوله اللهم صل على محمد وعلى آل محمد كما صليت على ابراهيم وعلى آل ابراهيم انك حميد مجيد اللهم بارك على محمد وعلى آل محمد كما باركت على ابراهيم وعلى آل ابراهيم - [00:00:23](#)

انك حميد مجيد يا ايها الذين امنوا اتقوا الله حق تقاته ولا تموتن الا وانتم مسلمون يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجالا كثيرا ونساء - [00:00:47](#)

واتقوا الله الذي تساءلون به والارحام ان الله كان عليكم رقيبا يا ايها الذين امنوا اتقوا الله وقولوا قولا سديدا يصلح لكم اعمالكم ويغفر لكم ذنوبكم ومن يطع الله ورسوله فقد فاز فوزا عظيما - [00:01:18](#)

اما بعد فان اصدق الحديث كلام الله تعالى وخير الهدي هدي محمد صلى الله عليه وآله وصحبه وسلم. وان شر الامور محدثاتها. وكل محدثة بدعة. وكل بدعة ضلالة وكل ضلالة في النار ثم اما بعد فاخوتي في الله والذي فلق الحبة وبرأ النسمة اني احبكم في الله - [00:01:43](#)

لا واسأل الله جل جلاله ان يجمعنا بهذا الحب في ظل عرشه يوم لا ظل الا ظله. اللهم اجعل عملنا كله صالحا واجعله لوجهك خالصا. اللهم لا تجعل فيه لاحد غيرك شيئا - [00:02:12](#)

احبتي في الله كيف حالكم مع الله ها اخباركم مع ربنا ايه في درس الاربعاء الثابت كل اربع اقول اخباركم مع ربنا ايه تقول معلش ادينا فرصة كمان طب ادي فرصة كمان - [00:02:29](#)

والموت قرب يا عم وانت لسه بتحلق برضه ما بتحلقش والله المغضوبة ما بتطلعش ليه طلع الرسول صلي تزييد النبي صلاة زد صلاة على النبي. صلى الله عليه واله وصحبه وسلم - [00:03:01](#)

كيف حال قلوبكم مع الله اخبار القلوب ايه؟ اللهم اصلح قلوبنا اللهم اهد قلوبنا اللهم طهر قلوبنا اللهم نور قلوبنا. امين اللهم حبيب الينا الايمان وزينه في قلوبنا. اللهم كره الينا الكفر والفسوق والعصيان - [00:03:17](#)

اللهم اجعلنا من الراشدين. اللهم اجعلنا محلا لفضلك وكرمك يا ارحم الراحمين امين. احبتي في الله اريد ان انتقل بكم الليلة خطوة جديدة او اضع فكرة جديدة ارجو ان تلقى - [00:03:39](#)

عندكم قبولا وهي اننا من الان فصاعدا نريد ان نسمي انفسنا اهل الآخرة ايه رأيكم ولا انتم اهل دنيا ما ينفعش معكم الاسم ده ردوا علي اهل الآخرة اكيد طب اللي موافق يرفع ايده - [00:04:00](#)

الله اكبر ده احنا ولا مجلس الشعب موافقة اهل الآخرة لكن ايها الاخوة كما ان لكل انسان عند الله اثم احنا قلنا قبل كده قال رسول الله انا خايف ليكون شوية اللي حواليا انت اسمك ايه ياد؟ محمد - [00:04:40](#)

الواد محمد ده صوته عالي فانا خايف الجمال اللي حواليا دول والواد ناصر الجنيه بيوشوشوا عليا في انهم بيصلوا على النبي بصوت عالي والناس اللي ورا ما بتصليش على النبي - [00:05:04](#)

لا لا انا مقبول للي حواليا دول ما يزعقوش عشان اسمع اللي وراء. صل على الرسول صل. صلى الله عليه. قال رسول الله. صلى الله عليه واله وصحبه وسلم ان الرجل - [00:05:14](#)

يصدق ويتحرى الصدق حتى يكتب عند الله صديقاً. وان الرجل ليكذب ويتحرى الكذب حتى يكتب عند الله كذاباً. فقلنا كل واحد له اسم ربنا. واحد ربنا كاتب اسمه عنده عند ربنا - [00:05:24](#)

تطبيق لان احنا قلنا ان كل واحد مننا اللهم اجعلنا ممن تذكرهم عندك. اللهم انا نسألك ان تجعلنا ممن يذكر عندك بالرحمة لا اله الا الله ربنا سبحانه وتعالى قال فاذكروني - [00:05:39](#)

اذكركم وقال من ذكرني في نفسه ذكرته في نفسي ومن ذكرني في ملأ ذكرته في ملأ خير من ملأ. يعني انت لما تقول سبحان الله الحمد لله ولا اله الا الله والله اكبر ولا حول ولا قوة الا بالله. لما تقول سبحان الله وبحمده سبحان الله العظيم. لما تقول لا اله الا الله - [00:05:56](#)

ربنا بيذكرك في الملأ الاعلى في الملائكة يا ترى اسمك ايه مكتوب الصديق ولا كذاب مكتوب طيب ولا خبيث مكتوب امين ولا خائن مكتوب مؤمن ولا منافق اسمك مكتوب ايه؟ عايزين برضو في الاسماء يتكتب اسمك - [00:06:17](#)

رجل الاخرة رجل ايه ان احنا بتوع اخرة مش بتوع دنيا بصراحة الشغلانة بتاعة الرئاسة والترشيحات والكلام ايه ده طلع فيها دنيا هي كمان ده انا كنت مفكر انها اخرة - [00:06:46](#)

ده الموضوع طلع فيه دنيا كتير قوي فالشاهد ان احنا عايزين يبقى آآ بس كلمة اهل الاخرة دي تبقى صبغة خطبت انا الجمعة اللي فاتت في عين شمس وانتم ما جيتوش الحمد لله انكم ما جيتوش - [00:07:06](#)

جزاكم الله خيراً اسمعني بس اه صلي على الرسول صلي. صلى الله عليه وسلم. كنت بقول ان اول صفة لرجل الاخرة قلتها لكم هنا قبل ما امشي بتحب الموت؟ الصفة الثانية - [00:07:26](#)

الا تكون للدنيا عنده قدر ولا قيمة لما سيدنا النبي صلي عليه صلى الله عليه وسلم يقول لو ان الدنيا تساوي عند الله جناح بعوضة ما سقى كافراً منها شربة ماء. يبقى معنى كده ان الدنيا - [00:07:41](#)

لا تساوي معنى كلمة لا تساوي جناح بعوضة يعني تساوي طفل يعني مش جناح بعوضة تبقى كم طفل يبقى هذا هو ان تساوي الدنيا في قلبك احنا بنتكلم عن الدنيا مش الرئاسة - [00:08:00](#)

رئاسة مصر مش قلت لكم كده المرة اللي فاتت ان لما قال فرعون اليس لي ملك مصر ابن الجوزي قال له ايه قال له يا مسكين حمارك ينهق من كف شعير رآه - [00:08:20](#)

فاهمين ولا اترجم طب ادفع. صلى الله عليه وسلم. قال له ده انت غلبان قوي انت بتقول اليس لي ملك مصر؟ هي مصر دي ايه؟ ده الحمار لو شاف كف شعير يعمل ايه - [00:08:39](#)

ينهق اهو انت بتنهق على مصر مصر ايه؟ هي مصر دي تطلع ايه في العالم وفي الدنيا؟ اذا كانت الدنيا كلها لا تساوي جناح بعوضة تبقى مصر تساوي كم من جناح البعوضة - [00:08:53](#)

تساوي كم من الصفر تقول اليس لي ملك ايه ملك مصر يعني هو ممكن يبص لده شغلانة يعني! الواد ده الغلبان التعبان الكحيان الفقران ده لو دخل الجنة يوم القيامة له قد الدنيا حذاشر مرة مش قد مصر - [00:09:07](#)

قد الدنيا كم حذاشر اخر رجل يخرج من النار ويدخل الجنة يقول الله عز وجل له ادخل الجنة فيقول كيف ادخلها وقد دخلها الناس قبلي؟ واخذوا اخزاتهم. يقول لها يا رب انا اخر واحد. زمانها اتملت - [00:09:23](#)

ادخل ارواح فين انا يا رب فربنا يقول له ايه تمنى ربنا يقول له ايه تمنى ها نفسك في ايه ياد يقول له يا رب اديني مية فدان فربنا يقول له ماشي ها تمنى - [00:09:40](#)

وعايز سبعين حورية ماشي ها عايز ايه كمان؟ نفسك في ايه فيتمنى حتى تنقطع امانيه بتكتسب ان كل الاماني اللي عمال يتمناها امانى خايبة. لما انا قلت دلوقتي ميت فدان الواد اسامة - [00:10:00](#)

قال لك لا المية فدان ايه؟ انا والله لا طلب الف فدان ماشي عام الف فدان. الواد احمد بتاع المحلة ده قال لك لا الف ايه ده انا بقى هطمع في ربنا واقول له - [00:10:19](#)

الفين في الدود ولا الف ولا الفين مليون فدان ولا ولا حاجة فيتمنى حتى تنقطع امانيه حتى ايه تنقطع امني يعني يقول ده انا بهوئتها خالص ها فيقول الله له - [00:10:31](#)

اترضى ان يكون لك مثل الدنيا مش قد مصر ربنا يقول له ايه رأيك؟ تاخذ قد الدنيا دي كلها فيقول رضيت ربي فيقول الله له ادخل ولك مثل الدنيا وعشرة امثالها معها - [00:10:50](#)

يعني قد الدنيا وعشر امسالها يعني قد الدنيا حذاشر مرة بقى اقل واحد بالله عليكم انتم بقى تعمل ايه الناس اللي بيبيعوا ده ويخسروا ده عشان ايه عشان قيراط ولا قراب - [00:11:13](#)

عشان ايه؟ عشان ايه تخسر؟ كل الملك ده؟ عشان ايه بالله عليك ايه في الدنيا يستاهل انك تخسر كل ده والقضية كلها ايام قلائل دول كلهم ستين سبعين سنة وتموت - [00:11:38](#)

بس وبعد كده تعيش ابد لهذا النعيم فلذلك عايز يبقى عندنا حاجة عايز اصنع الليلة دي حاجة جديدة اسمها نفسية اهل الراجل بتاع اهل الاخرة نفسيته تبقى ايه الت النفسية - [00:11:57](#)

عايزين نحلله نفسيا منيمه على الشزلونج ونقول له احكي احكي عقدك فيقول عقدتي نفسي ادخل الجنة واياه كمان بس عايز ايه ثاني؟ مش عايز حاجة طب نفسك ايه في الدنيا؟ رضا ربنا - [00:12:25](#)

وايه كمان؟ بس طب اتكلم هقول ايه ما انا ما عنديش غير كده كعب بن مالك لما الرسول سألته صلي عليه قتلني قال له اسألك مرافقتك في الجنة قال اوشيه غير هذا؟ قال - [00:12:50](#)

لا شيه غير هذا. قال من علمك هذا؟ قال لم يعلمنيه احد مين اللي غششك مين غششك ياه مين غشش لك الكلمة دي هي دي نفسه اللي هي ربنا قال ايه - [00:13:14](#)

طب غضب ومن احسن من الله صبغة ونحن له عابدون صبغة يعني نفسية مزبوط عشان كده تلاقيه لما يبجي اه يشتري حاجة يبقى دماغه في الايه في الاخرة هو يشتري - [00:13:33](#)

لما يبجي يبيع دماغه في الاخر هو بيع. لما يبجي يصاحب دماغه في الاخرة وهو بيصاحبه صبغة نفسية نفسية الرضا بالاخرة منطلق الرضا بالاخرة قرة العين ها الرضا بالاخرة يعني - [00:13:59](#)

قلت كده اسمعها من الامام احمد. الامام احمد كان متجوز اتنين زوجتين والامام احمد كان آآ يعني هنقول ايه؟ يعني عايش الدنيا مش عايش. لكن لما الجزمة انتقطعت قال - [00:14:24](#)

ايش انما هو لباس دون لباس وطعام دون طعام وانها ايام قلائل هي دي ما فيش مانع انك تتجوز اربعة لو تقدر لو راجل ما فيش مانع مش مشكلة خالص وان يبقى عندك عربية واتنين وعمارة واتنين وعندك مليون واتنين مش مشكلة لكن المشكلة في ايه - [00:14:39](#)

نفسيتك من جوة ان انت كل ده تحت الجزمة. انا عايز الجنة الاخرة مش ده الموضوع مش ده الموضوع خالص هي الرضا بالاخرة منطلق قرة العين بالاخرة نفسية بنقول اهو - [00:15:06](#)

بنرتب النفسية بنشكل بنرسم نفسيتهك نفسية احتقار الدنيا آآ كان معنا واحد هنا شكله ما جاش ثاني بعديها كان نفسه زمان يقعد مع فلان من اهل الدنيا كان صاحب زمان - [00:15:32](#)

من عشرين ثلاثين سنة كان نفسه يقعد مع فلان اسم من اسماء آآ انت لك حسن الله اه آآ الله يعامله بما يستحق الشاهد ايه لما قابلته بقى جاني من اسبوعين حضر الدرس اللي هو قبل ما نسافر - [00:15:55](#)

قلت له انت لسه نفسك تقعد مع فلان خطورة لسه نفسك تقعد مع فلان ها قال لي لا بقى ما هي الدنيا اتغيرت اه الدنيا اتغيرت وبرضو عايز يقعد القضية كده - [00:16:17](#)

الدنيا اما نفسية اهل الاخرة قل لي ياد يا ابو عمة نفسك تقعد مع مين مع النبي في الجنة واياه ثاني بالله عليك ياد يا محمد نفسك تشوف مين؟ اشوف ربنا في الجنة - [00:16:39](#)

وايه كمان هو ينفع اقول مع دي حاجة بس خلصت نفسك ايه ياد يا ابو الفتوح بس قال رسول الله صلى الله لا يسأل بوجه الله الا

الجنة لا يسأل بوجه الله ايه - 00:17:01

الا الجناحية دي القضية تبقى دي نفسيتك تشكيلك النفسي انك انت نفسك في الجنة نفسي فيها هموت عليها الجنة تبقى عايشة في مخيلتك كده نفسية عشق الآخرة عشق الحديث عنه - 00:17:30

كنت بقول للشيخ معاذ النهاردة طلع لي حنة كنت زمان كاتبها عندي في اجندة بس كنت عايز اوثقها برضه وهي ان شيخ الاسلام ابن تيمية قال ان كل اي ان غير الله - 00:17:56

ولو كان من المباح كحب الزوجة والولد والوالدين نقص من توحيدده بقدر هذه المحبة حاجة تخوف بقى حاجة ترعب حاجة شكلها غلط بس هو اتكلم ما لقيناهاش الحمد لله. لكن الحنة اللي لقيناها انه قال وانما يتلى بالعشق - 00:18:15

كل مشرك ويعافى منه كل موحد فلذلك ابتليت امرأة العزيز بالعشق وعوفي منه يوسف هي حبت سيدنا يوسف ولكن سيدنا يوسف ايه ما حبهاش عباس ابدأ قال له وهل كل البيوت بنيت على الحب - 00:18:44

اين الرعاية والتزعم المهم يا اخوة ان نفسية عشق الآخرة بحب الجنة بموت فيها. ليه لان الجنة قريبة من ربنا طيب الرب لاني هبقى مع سيدنا النبي صلى الله عليه وسلم. اهل الآخرة - 00:19:11

يعيشون حالة رشد في الاعتقاد رقي بالمدرسة الالية اللي قلتها لكم الاسبوع اللي فات بل ادرك علمهم في الآخرة بل هم في شك منها بل هم منها عمون بل اتدرك علمهم في الآخرة. في علم اسمه علم - 00:19:32

علم الآخرة. علم الآخرة ده يتدارس برقي قلت لك قبل كده؟ لا مش انت قلت لك قبل كده ان زمان لما جيت اتزوج قلت للشيخ لشيخه ومعلمي الراجل الكبير الله يرحمه رحمة واسعة - 00:19:53

ويرحم دعاة المسلمين الميتين اجمعين. ويجعل قبورهم روضة من رياض الجنة. ووالدينا ووالديكم والمسلمين والمسلمات آآ انا عايز اتزوج قال لي لو ان زواجك هذا سيقربك من الجنة خطوة فافعل وان كان سيؤخرك عن الله لحظة - 00:20:11

فلا تفعل هي ده الرقي الفكري في مدارس علم الآخرة. هتتجوز؟ طيب جوازك ده هيدخلك الجنة؟ قال لي هغير العربية. قلت لكم ها؟ هغير العربية ثمانية وعشرين هجيب تيوتا. فطيب انهين توصل للجنة اسرع - 00:20:33

ايهما تصل الى الجنة اسرع اللي توصلك اسرع هاتها غيرها ايه اللي يوصلك للجنة؟ هي دي نفسية التعامل مع الآخرة ايضا نفسية ايثار علم الآخرة على لعب الدنيا وثرثرتها قال الله ولكن اكثر الناس لا يعلمون. يعلمون ظاهرا من الحياة الدنيا وهم عن الآخرة -

00:20:55

هم غافلون سمى الله علم الدنيا لا علم دب الواد اللي وراك انا بحبكم في الله تم الله علم الدنيا لا علم ولكن اكثر الناس ايه لا يعلمون ثم اثبت لهم دنيا قال يعلمون ظاهرا من الحياة الدنيا - 00:21:31

وهم عن الآخرة هم غافلون. عشان كده كان نفسي ان العمالين يمتحنوا المرشحين كان نفسي يسألوهم سؤال ولا اتنين عن الآخرة لكن ما حدش يسأله عن الآخرة خالص. كل الناس بيسألوهم - 00:22:07

عن الدنيا هتعمل لنا ايه في الدنيا؟ يا ناس انا قلت في شبرا كنا في شبرا ولا كانت ايه الحنة اللي كنا فيها دي؟ بتاع عبدالرحمن اه شبرا قلت انا نفسي في مرشح - 00:22:26

قبل ما ينام كل ليلة يسأل اللي حواليه الفقراء اتعشوا الليلة دي اه يأمن عشا للفقرا للغلبة كل ليلة نفسي في مرشح يقول انا عندي خطة قومية للوصول الى الجنة - 00:22:36

هو ده اللي نفسنا فيه بس دنيا دنيا انا نفسي رجل يقول انا بتاع ربنا واذا سلمنا امورنا لله يدبر لنا الامور ولا يضيعنا قولوا قولوا قولوا قولوا يا ناس انتم دلوقتي احنا خايفين من الشريعة ليه؟ ويخوفوكم من اللي بيقول شريعة؟ ليه - 00:23:00

مش هو ده اللي بنحلم به وطول عمرنا بنعمل له هو التمكين اسمه. اسمه التمكين. هو التمكين هو ايه؟ مش التمكين لدين الله في الارض وتحكيم الشريعة ان يحكم الاسلام الدنيا - 00:23:28

مش هو ده لما جا لكم بقى اللي بيقول لكم هاحكم شريعة تقولوا لنا لا اصبروا شوية لا اله الا الله. الية اللي سمعناها المتر الى الذين

بدلوا نعمة الله كفرا - 00:23:40

واحلوا قومهم دار البوار جهنم ها جالك بيقول لك انا هحكم فيك دين ربنا تقول لها عايزين توافقي توافقي اذا اصابتهم مصيبة بما قدمت ايديهم ثم جاءوك يحلفون ثم جاءوك يحلفون بالله ان اردنا الا احسانا وتوفيق - 00:23:59

نفسية علوم الاخرة عايزين نتكلم في الاخرة ما لناش دعوة بالدنيا تجيب لهم دنياهم نفسية ايثار علوم الاخرة على لعب الدنيا وثرثراتها عايزين نبطل نتكلم في الكورة عايزين نبطل نتكلم في السياسة - 00:24:39

عايزين نبطل نتكلم في الفن عايزين نبطل نتكلم في الفلوس عايزين نبطل نتكلم في النسوان عايزين نبطل نتكلم في الدنيا عايزين نتكلم في الاخرة بنا نؤمن ساعة ان قلبي قسى فتعال لينه لي - 00:24:56

يا ناس انا بقالي كام يوم نفسي نصلي عايز نصلي صلاة فريضة اتفق انا وانتم يوم اربع بس مش اللي جاي يمكن اللي بعده نصلي المغرب بالاعراف زي ما النبي عملها مرة - 00:25:15

صلى المغرب بسورة العرش. عايز اسمع قرآن وانا بصلي وانا واقف كده مش قال له مازا تشتتهي؟ قال له اشتتهي ليلة بعيد ما بين طرفيها احببها بالقيام اشتتهي ان اقوم حتى يشتكي صلي - 00:25:37

نفسية الاحساس ان الدنيا والاخرة لا يجتمعان متضادتان من كان يريد من كان يريد العاجلة ومن كان يريد الاخرة من كان يريد عرس الدنيا ومن كان يريد ارسى الاخرة اتنين مش واحدة - 00:26:00

مش شبه بعض ولا زي بعض. الاتنين كلا بل تحبون العاجلة وتذرون الاخرة بل تؤثرون الحياة الدنيا والاخرة خير وابقى قالوا القصة دي من اسباب التزامي ياه اهو كلمنا عن اسباب التزامك كلمني - 00:26:34

بقت موضة الاسئلة التلفزيونية ديت صلي على الرسول صلي بس اه ان شاء الله يوم السبت الجاي هتسمعوا خبر كويس للناس اللي هيفرحوا بشرع ربنا. امين يا رب اه كنا بنقول بقى القصة دي قصة ايمان - 00:27:06

السحرة قصة ايمان السحرة وانا صغير بهرتني وكتبت كده فقرة اسمها الايمان لحظة لحظة واحدة السحرة لما جم يحاربوا سيدنا موسى قالوا ائن لنا لاجرا ان كنا نحن الغالبين جايين عشان فلوس - 00:27:26

قال له لو غلبنا لك موت هتدينا كم قال نعم هديك فلوس وانكم اذا ده من المقربين. لا ده انا كمان ايه اخليكم في الحاشية اه هقربكم هتبقوا تبغي القى سيدنا موسى - 00:27:55

تجد بحارة كلهم اجمعون شئ عجيب جدا مش كده يا رب انت برضو من اصحابي من زمان طول الوقت كل مرة بتيجي انا بحب الناس اللي والمواظبين الحثة اللي ببص عليهم فيها مباشرة ده - 00:28:16

اه صلي على الرسول صلي. كان في واحد تخين جه هنا مرة وما جاش ثاني ها طلع الرسول صلى الله والواد اللي عايز يتجوز ده وانا بقول له ما تتجوزش - 00:28:34

صلي على الرسول صلى الله عليه وسلم ولما بقول عليك واد يعني بحبك ها خلي بالك افهم اه لو قلت لك يا شيخ يبقى كده زعلان منك لو قلت لك يا فضيلة الشيخ يبقى زعلان قوي - 00:28:45

اما لو قلت لك يا سماحة الشيخ يبقى مش عايز اشوفك ثاني طلع الرسول صلي صلى الله عليه واله وصحبه وسلم الملاحظ ان السحرة لما شافوا سيدنا موسى قامت التعابين كلها - 00:29:01

هي مش تعابين القوا حبالهم وايه واصية وكل واحد من السحرة جايب حطة حبل خايبة كده وراح راميه في الارض ربنا بيقول ايه؟ سحروا اعين الناس. هو الحبل ما بيتحركش - 00:29:24

لكن هو خلى عنيك تتهيا لها ان الحبل بيزحف تعبان وعشان كده بنقول ايه؟ ان السحر والشعوذة تهيئات وتخيلات يعني هو ما بيعملش حاجة يعني خلي بالك فيه السحر اللي احنا بنسميه كفر - 00:29:39

منه العطف والصرف. العطف يعني ايه؟ ان واحدة تعمل عمل لجوزها انه يحبها ده كفر مخرج من الملة السحر ده العمل ده ما حصلش انه حبها لكن قدر الساحر انه يخليه يتهيأ له ان هو - 00:30:00

انه يحبها. عشان كده لما يبطل السحر يكرها يحصل الكره والتفريق بينهم ولزلك انا بحزركم وده من التوحيد ان تأتي السحرة والكهان. قال رسول الله صلى الله عليه وسلم من اتى كاهنا او عرافا - [00:30:19](#)

لم تقبل له صلاة اربعين يوما وقال من اتى كاهنا او عرافا فصدقه فقد كفر بما انزل على محمد يبقى لو رحت وما صدقتوش لا تقبل لك صلاة اربعين يوم - [00:30:40](#)

لو رحت عشان واحدة تأخر جوازها راحة لحد يعمل لها عمل عشان تتجوز او واحدة ما حملتش رايحة لواحد يعمل لها عمل عشان تحمل. او واحد عايز شغل راح لواحد ساحر عشان يعمل له عمل عشان يشتغل او عشان يقلب - [00:31:01](#)

وبمراته او عشان يخلي دكانه يشتغل حاله واقف او عشان العربية اللي بتتخطط يعمل له حجاب يحطه فيها عشان ما تتخططش الى اخره. لو رحت اربعين يوم ما فيش صلاة مقبولة. اتنين لو صدقت انك الراجل ده له تأسير على قدر الله تبقى كافر - [00:31:18](#)

قف جاهد عارفين القصة ان هم بالحبال والعصي ما بتلعش في عنيهم وهم شافينها ايه مرمية في الارض حبال وواسط. لكن لما سيدنا موسى رمى العصاية عملوا كده فرجوا عنيهم ايه ده - [00:31:41](#)

لا كده مش سحر بقى اه اجدوا لما سجدوا قال لهم ايه فرعون لاقطعن ايديكم وارجلكم من خلافه ولا صلبنكم بجذوع النخل ولا تعلمن ايننا اشد عذابا وابقى. قالوا لن نؤثرك على ما - [00:32:01](#)

من البيئات والذي فطرنا فاخضمت انت قوم انما تقضي هذه الحياة الدنيا قالوا له مش عايزين فلوس انت الكل اللي انت تقدر تعمله انك تعمل ايه يموتنا طب يا ريت - [00:32:32](#)

قالوا كده انما تقضي هذه الحياة الدنيا انا امنا بربنا ليغفر لنا خطايانا وما اكرهتنا عليه من السحر. اسمع دي والله خير وابقى كلام الناس بقى لما تفهم عارف ساعتها التعبير اللي انا كاتبه في كراسة - [00:32:57](#)

اه ايه مين اللي نور النور هي دي لانهم كانوا عايشين في ضلمة وبعدين ايه الدين دي نورت بقوا شافين ان الدنيا ما لهاش لازمة والله خير وابقى هي دي النفسية - [00:33:25](#)

هي دي النفسية ايشا نفسية باب انا ما استاهلش بس ربنا كريم هو ده الرجاء انا ما انفعش بس ربنا انا ما بعملش حاجة بس ربنا انا دائما اقول مش مليونين دول مش كده ولا اليومين دول بس - [00:33:46](#)

بقى لي فترة بقول نفسي اموت اشهى شىء عندي في اليومين دول يا سلام لو الواحد اللهم ارزقنا حسن الخاتمة قل لي يعني انت بقى عندك يعني مطمئن قوي انا مش مطمئن ولا حاجة لكن - [00:34:16](#)

ومعهم في فضل ربنا طمعان في رحمة ربنا بقول اكيد ربنا هيكرمني وهتبقى الآخرة احسن من الدنيا اللي احنا عايشين فيها دي اللهم ارزقنا حسن الخاتمة وعجل لي بذلك اللهم انت ترى مكاننا - [00:34:33](#)

وتسمع كلامنا ولا يخفى عليك شىء من امرنا. ربنا انك تعلم ما نخفي وما نعلن على الله شىء في الارض ولا في السماء. نسألك يا عزيز يا قدير ان ترزقنا حسن الخاتمة. والجنة بغير حساب - [00:34:52](#)

حساب ولا سابقة عذاب وان ترفع درجتنا في الجنة الى الفردوس الاعلى مع النبي محمد. صلى الله عليه وسلم. وان ترزقنا لذة النظر الى وجهك الكريم بكرة وعشية بمناسبة بقى الدار بمناسبة الجنة بغير حساب ننتقل الى الذين يدخلون الجنة بغير حساب -

[00:35:11](#)

الذين يدخلون الجنة بغير حساب ذكرنا اشياء ثم وقفنا على ان من يدخل الجنة بغير حساب قلنا اول حاجة التوحيد نمرة اتنين لا يسترقون ولا يتطيرون ولا يكتوون وعلى ربهم يتوكلون. ادي خمسة - [00:35:35](#)

فتنة من يضحك الله لهم اللهم اجعلنا ممن تضحك لهم وعايز برضو حنة عقيدة اننا نثبت لله صفة الضحك سأل رجل رسول الله صلى الله عليه وسلم اويضحك ربنا قال رسول الله - [00:35:59](#)

نعم فقال الرجل بخن بخن بخ زي ما بنقول احنا في زماننا يا سلام مش ممكن فقال ما يحملك على قول بخ بخ قال لن نعدم من رب يضحك خيرا - [00:36:30](#)

قال له ادم ربنا بيضحك بيقى ايه ليش ليش اه قلت لكم زمان كان لي اه كنا احنا اربعة اصدقاء ربنا يغفر لي ولهم يا رب العالمين
الشاهد ان اه في مرة احنا واقفين قدام الباب بيت احدهم - [00:36:54](#)

آآ زي ما انتم عارفين آآ عادة الاخوة التبانيين اللي زي حالاتي ها نقعد جوة وبعد ما واحنا خارجين خارج يوصلنا للباب يسلم علينا
نفضل ايه واقفين على الباب فالمهم ان هو ايه بنتكلم فضحك وصوته علي فسمعنا مراته من جوة بتقول ايه ده بيضحك - [00:37:13](#)
في اخوة كده ما بيضحكش في البيت دايمًا مكلظم دايمًا نكدي لكن برة يضحك ويهزر وده آآ قال رسول الله صلى الله عليه وسلم
خيركم خيركم خيروكم لاهله الاولى انك تضحك معهم مين - [00:37:31](#)

اه لا مراتك واولادك هم دول اولى الناس انك تضحكهم وتضحك معهم. الشاهد ايه؟ ان اللي بيضحك بيقى فيه خير بس ما دام دخلنا
في سكة الضحك هنبقى نقولها المرة الجاية - [00:37:57](#)

الضحك في ضوابط قال رسول الله صلى الله عليه وسلم اياكم وكثرة الضحك فان كثرة الضحك تميت القلب يعني احنا مش بتتوع
نكت لا كانوا يضحكون والايامن في قلوبهم مثل الجبال - [00:38:13](#)

بيضحك اه بس وقت الجد مش زي الشباب بتتوع النهاردة ان في اشد الاوقات جدية يقلبها تهريج وضحك هو ده الغلط لا وقت الجد
جد وما فيش مانع ان احنا احيانا - [00:38:35](#)

اضحك مشكلة نرجع بقى للعقيدة اويضحك ربنا قال نعم قال لن نعدم من رب يضحك اي رأي عقيدتنا اهل السنة والجماعة ان الله
يضحك بيقى لازم تقول ايه الله ها - [00:38:54](#)

يضحك بس ما تسألش ولا تتصور الكيفية يضحك ضحكا ليس كضحكنا احنا لما قلنا دلوقتي الراجل بيضحك مراته قالت ده بيضحك
ضحكنا كلنا بس ضحك ربنا مش ايه مش زي ده - [00:39:19](#)

ضحكا يليق بجلاله وكماله ليس كمثله شيء وهو السميع البصير بيقى احنا ايات الصفات ينزل ربنا يضحك ربنا من اتاني يمشي اتيته
هرولة هرولة ربنا يضع يضع الجبار قدمه فيها فتقول - [00:39:42](#)

قطن قطن الى اخره هذه الصفات امروها كما جاءت. بدون تشبيه ولا تمثيل لنقول زي كده ولا مثل كده ضحكا هرولة نزولا يليق ها
بجلاله وكماله ليس كمثله شيء وهو - [00:40:09](#)

السميع البصير بيقى بدون تشبيه ولا تمثيل ولا تأويل بيقى بعض هتلاقي بعض العلماء الكبار زي مسلا لو رحت لفتح الباري
ابن حجر لو رحت في شرح مسلم للنووي لو رحت للقرطبي في التفسير لو رحت كل دول بيقولوا - [00:40:37](#)

الضحك معناه الرضا ليه قال لا فرارا من التشبيه وده عندهم اسمه التأويل مهما كبرت الراس ما يهمني ش الحق يعرف بالرجال او الحق
لا يعرف بالرجال انما يعرف الرجال بالحق اللي يقول الحق بيقى هو الراجل عندنا - [00:41:00](#)

عشان كده بقول لك بقى ايه سرها احفظها ياد انت نقلت مكانك ليه من هنا؟ ما تبعدش ثاني. ها ترها لو جيت يوم القيامة وربنا سألك
اما ابو الفتوح انت ليه قلت ان انا بضحك - [00:41:25](#)

ازاي انت تقول علي ان انا بضحك قل له مش انا يا رب حبيبك هو اللي قال انا ما ليش دعوة الراجل سألته او يضحك ربنا قال نعم
يضحك ربنا النبي اللي قال - [00:41:44](#)

لكن لو سألك ليه انت اولت الضحك وقلت انه رضا تقول له ايه قل له النووي قال وانا قلت لك امشي وراء النووي انا قلت لك امشي
وراء محمد صلى الله عليه وسلم. بيقى هي دي النجاة يوم القيامة. هي دينا نفسية اهل الاخرة - [00:42:02](#)

ان انا دايمًا لما اتعلم اعمل حساب الاخرة لما أسأل هعمل ايه عشان كده قلت لكم لما اجي اشتري ولا ابيع لازم اعمل حساب الاخرة لان
ربنا سبحانه وتعالى هيسألك عن الجنيه - [00:42:27](#)

سؤالين جفته منين ووديته فين هيسألك فلما هي دي نفسية اهل الاخرة. ان انا ابقى عارف كويس جدا لو ربنا سألني جبت الجنيه ده
منين؟ اقول له من هنا يا رب - [00:42:44](#)

عشان كده قلت لكم اسعد ناس يوم القيامة الموظفين الشرفاء جبت الفلوس دي منين؟ يا رب كنت بشتغل في الحكومة وادوني

ربعمية جنيه. وديتهم فين كلنا بهم؟ عدي خلصت لكن بقى في ناس - [00:42:59](#)

هتقف مدة طويلة. جبته منين بعث واشتريت ووديت وجبت ووديتهم فين قصة فاللهم انا نسألك الدعوة دي ما بتعجيش ناس كتيرة فعائز اللي تعجبه الدعوة دي يعلي صوتهم امين اللهم لا ترزقنا الا من حلال. ولا تبارك لنا الا في الحلال. امين. اللهم لا توفقنا -

[00:43:21](#)

الا لما تحبه وترضاه. ولا تعنا الا على ما يرضيك عنا. امين لما بعثها لواحد من بشوات الكبار ليه ليه تقول لا ترزقنا؟ ما تقول ارزقنا

من حلال وخلص - [00:43:53](#)

ليه تقول لا توفقني؟ لما تقول وفقنا وخلص وانت زعلان ليه لا ترزقنا الا من حلال قولوا امين. اه احنا مش عايزين لا ايه الا الحل.

اللهم باعد بيننا وبين الحرام كما باعدت بين المشرق والمغرب - [00:44:10](#)

ابعد عنا الحرام واهله يا رب اذا يضحك ربنا قال رسول الله صلى الله عليه وسلم واذا ضحك ربك الى عبد في الدنيا الا حساب علي

تاني طب ادفع قال رسول الله صلى الله عليه وسلم واذا ضحك ربك الى عبد في الدنيا - [00:44:30](#)

فلا حساب عليه يبقى لو ربنا ضحك لك مرة يا عم احمد بس مرة يوم القيامة مش هتقف ولا حد هيسألك بالقبر على الجنة عدل اللهم

اجعلنا منهم اللهم اجعلنا منهم - [00:45:08](#)

مين دول بقى مين دول؟ مين دول اللي يضحك لهم ربنا الميزة التي تجمع كل هؤلاء ان لهم عمل بل صاروخ عمل اعزم من اعمال

الناس كلها انا مش عايز اسوق الحديس الطويل ده دلوقتي - [00:45:27](#)

لكن عايزين الذين يضحك الله لهم اول واحد الشهيد اللهم ارزقنا شهادة في سبيلك اللهم دبر لنا شهادة على ابواب بيت المقدس. او

على ابواب روما. او على ابواب انك بقى تفتح - [00:45:56](#)

مدن اللي الرسول بشر يبقى قد الكلام ده ثار رجل رسول الله صلى الله عليه وسلم فقال يا رسول الله اي الشهداء افضل وده لازم

تعرفه ان في تفاضل بكل شيه - [00:46:28](#)

حتى الشهداء قال الله تلك الرسل فضلنا بعضهم على بعض الشهداء زي ما الرسل فيهم افضل من بعضهم افضل من بعض الشهداء في

بعضهم افضل من بعض طالحون بعضهم افضل من بعض - [00:46:49](#)

العلماء بعضهم افضل من بعض آآ العباد بعضهم افضل من بعض العوام بعضهم افضل من بعض وما منا الا له مقام معلوم لازم تبقوا

فاهمين كده ان الناس مش زي بعض - [00:47:11](#)

اصل كتير بنقول ايه الناس سواسية الناس كاسنان المشط الناس اه ها اه لا فضل لعربي على اعجمي وينتشر الكلام بينا وبعدين تروح

حاطط الناس كلهم في سلة واحدة ما ينفعش لأ - [00:47:29](#)

الناس مش زي بعض نمرة واحد في الاصول قال رسول الله صلى الله عليه وسلم تجد الناس معادن كمعادن الذهب والفضة الناس

معادن ناس في ناس تنهى ذهب في ناس زبالة - [00:47:47](#)

قال انا اسف معلش بس دي الحقيقة الحقيقة في ناس معدنها لولي في ناس ادنها عالية جدا قال رسول الله صلى الله عليه وسلم

الناس كابل مائة لا تكاد تجد فيها راحلة - [00:48:14](#)

يعني من كل مية تلاقي واحد عدل قل لي وواحد في المية كتير كمان احنا لو لقينا واحد في الالف ولا في العشر تلاف يبقى نعمة

يبقى رضا الشاهد ايه؟ ان الناس في المعادن - [00:48:34](#)

في الاصل معادن تفرق وفي الدين فرق اكثر ابن القيم قال كده قال ومن عظمة خلق الله ومن عظمة قدر الله في الخلق هذا التفاوت

الرهيب فتجد رجلين بينهما كما بين الارض وسابع سماء - [00:48:50](#)

تلاقي اثنين في الدنيا دي واحد بينه وبين الثاني رهيب جدا الشاهد لازم تنمو عندك هذه الفكرة ان الناس مش زي بعض الناس

مختلفين تماما عن بعض الناس درجات ومقامات - [00:49:26](#)

وآآ اقدار عند الله الشهداء نفس الشيه. قال له من افضل الشهداء؟ اي الشهداء افضل؟ فقال رسول الله صلى الله عليه وسلم. الذين

اني يلقون القوم في الصف لا يلفتون وجوههم حتى يقتلوا - [00:49:49](#)

اولئك ينطلقون في الغرف العلاء من الجنة ويضحك اليهم ربهم واذا ضحك ربك الى عبد فلا حساب عليه هو ده اكثر واحد ربنا يدحك له اسمع ثلاثة قال رسول الله صلى الله عليه وسلم ثلاثة يحبهم الله ويضحك اليهم ويستبشر بهم الذين اذا انكشفت فئة - [00:50:10](#) قاتل وراءها بنفسه فاما ان يقتل واما ان ينصره الله ويكفيه. فيقول الله انظروا الى عبيدي هذا كيف صبر لي في نفسه فيضحك اليه ومن ضحك الله اليه فلا حساب عليه - [00:50:39](#)

هو ده اللي انا بقول لك ايه؟ عمل عمل اخروي فذ عشان كده دينا خطبة جمعة زمان اسمها البطولة. مش عارف موجودة ولا مش موجودة موجود ولا لا موجودة طب احلف - [00:50:57](#) ها البطولة في الاسلام خطبة جمعة كنا بنقول فيها ان احنا في زمن تلوعب فيه بكلمة بطل بقى بطل الدوري بطل الكاس بطل الفيلم بطل المسرحية بطولة كازبة طوله زائفة - [00:51:17](#) بطولة وهمية من البطولة في الاسلام عمل عظيم هنجي نتكلم عن سيدنا الحمزة ابن عبد المطلب نقول عنه ايه بطل بطل بتكلم عن سيدنا خالد ابن الوليد بطل ابو عبيدة ابن الجراح - [00:51:42](#)

بطل هم دول الابطال الحقيقيين بطل ودي اللي كنت بتكلم عنها امبارح هنتكلم عنها ان شاء الله في بازن الله في درس الجمعة فضفضة كيف اربي رجلا قوي القلب كيف نربي رجلا ايه - [00:52:02](#) قوي القلب لان احنا في زماننا فوجئنا الجبن جبن الخور تعفو المهانة والذلة والخوف والرعب وده اللي انا قلته المرة اللي فاتت ان الامة اتربت من من سنة خمسة وستين لحد النهاردة - [00:52:22](#) على على على عملت الدولة او الحكومات على صناعة الجبن كان في مصنع واحد بس صناعة ايه عارفين الجبن اه وصار لم يعد للقلوب طعام الا الجبن ربوا ولادهم ابوك وامك - [00:52:42](#)

يا ابني احنا مش قد الحكومة الاقيه جنب الحيطه قعدوا يقولوا له خليك جنب الحيطه عيش جبان تموت مستور لحد ما مشي جوة الحيطه ربية الامة على الجبن على الخوف - [00:53:06](#) على الهلع واول علاج للهلع ده ان الانسان خلق هلوعا اذا مسه الشر جزوعا واذا مسه الخير منوعا الا المصلين الا المصلين الناس اللي بيصلوا دول ما بيخافوش لكن اللي بيصلوها صح - [00:53:25](#) فاحنا قلنا هي حاجة من اتنين. يا تصلي صح يا تصلي صح ما لهاش حل تالت ساعة ما صلينا وطولنا الاربع اللي فات ولا اللي قبله الراجل زعل وقام صوت الراجل وقع جنبيا ما يقعش - [00:53:51](#) ما يقع هيجري ايه لو وقعت غلط ما يقع يا ابني يعني انت هتموت الناس؟ اه هموت الناس لا حول ولا قوة الا بالله. يعني الواحد لو مات وهو بيصلي تبقى وحشة - [00:54:10](#)

اه طب يا ريت طب يا ريت اللهم ارزقنا حسن الخاتمة الشاهد ايه البطولة هل تذكر قل لي ياد انت يا اللي ورطتنا وما بتجيش هل تذكر مرة واحدة لك عمل بطولي في الاسلام. اما تقابل ربنا تقول له يا رب انا عملت كزا - [00:54:27](#) عندك عندك بالله عليك لو عندك قل لي قل لي قل لي عندك ايه؟ تقدر تقف قدام ربنا تقول له انا عملت كزا البطولة دي شيه محتاجة كذا قلب اللهم اصلح قلوبنا - [00:54:52](#)

اللهم قوي في رضاك ضعفنا يذكر ان سعيد النوراسي مش عارف اسمه سعيد ابن ايه آآ راجل تركي ايام الخلافة الاسلامية ساعة ما سقطت الخلافة الا لعنة الله على الظالمين كمال اتاتورك برضو ربنا يعامله بما يستحق - [00:55:12](#) اللي هو اسقط الخلافة والغاها ولبس الناس بعد العمة لبسهم برنيطة. ها؟ آآ الراجل ده آآ لما الغى الخلافة آآ واحتلت انجلترا معت كانوا بيسموه آآ الراجل البريطاني اللي موجود في مصر كان اسمه ايه - [00:55:31](#) المندوب السامي المندوب السامي البريطاني اسطنبول بعث رسالة لشيخ الاسلام قال له الرسالة دي فيها اه ستة اسئلة عن الاسلام جاوب عليها المشيخة فيما لا يزيد على ستمائة كلمة قال له ست اسئلة دول عن الاسلام وعن محمد - [00:55:53](#)

السؤال ميت كلمة بس ما تزودش عن كده. ما تكتبليش مذكرة يجاب عليها في ستمائة كلمة فلما وصلت الرسالة الى شيخ الاسلام يومها واقراها اهم بيستهزنوا بالاسلام في الاسئلة دي - [00:56:22](#)

وبيستهزنوا بالنبي محمد صلى الله عليه وسلم انا مش عايز اتكلم كتير في الموضوع ده خايف لخبط في حد ان الاسئلة دي لو جت النهاردة لاي مشيخة هيعملوا ايه اي جاوبوا - [00:56:40](#)

وهيدلعوه قوي ويقولوا لك مش عايزين بقى نستثير الناس ومراعاة المصالح والمفاسد وارتكاب المفسدة الادنى لتفادي المفسدة الاعلى وتفادي المصلحة الاعلى لتحسين الكلام اللي بيقلوه ده لكن الراجل ده قال كلمة عجيبة جدا - [00:57:05](#)

لو جات لك الا دي انت هتقول ايه؟ عارف الراجل قال ايه؟ مش هادوخكم. الراجل قال ايه قال ان هذه الاسئلة كتب لهم كده الرسالة وقفها وبعثها لهم ان هذه الاسئلة لا يجاب عنها في ستمائة كلمة - [00:57:23](#)

ولا في ست كلمات بل الاجابة على هذه الاسئلة بصقة في وجه من وجه هذه الاسئلة الخسف عليك وعلى هي دي الاجابة احيانا بيبقى الكلام محتاج هي دي البطولة هي دي بطل - [00:57:39](#)

حكموا عليه بالاعدام بعد كده. وخرجت الناس كلها لميدان التحرير بتاع تركيا والآخر قرروا انه يعفو عنه ويرحلوه من البلد ما اتقتلش يعني. الشاهد ايه بس خلاصة الكلام ايه؟ هي دي البطولة - [00:58:09](#)

مش بطولة التنازلات وعمالين نططب واديننا بقى المزيعة اللي قاعدة يا ريت السلفيين كلهم زيك ايه يا ناس احنا فين هو احنا فين؟ احنا احنا في ايه؟ ايه التنازلات اللي عمالين نحاول ده وندلع ده ونططب على ده ونراضي ده ونطمئن ده؟ ليه؟ عشان ايه؟ عشان ايه؟ من اجل ما - [00:58:24](#)

ايه ده مش هي دي نفسية رجل الاخرة لو الناس دول عايزين اخرة ما كانوش ما يكونوش يعملوا كده ابدًا عشان كده دول ضعاف القلب. ربنا اللي قال كده فترى الذين في قلوبهم مرض - [00:58:50](#)

يسارعون فيهم يقولون نخشى ان تصيبنا دائرة البطولة هو ده اللي ربنا يضحك له انه بيبقى ايه بطل برضو لازم احتاط لكلامي لما يتبحرش غلط ومش معنى كده ان انا بقول لك روح قتل في الناس - [00:59:06](#)

عشان تبقى بطل ولا راح يشتم الناس عشان تبقى بطل. لأ بالحق حق امور كلها احنا قلنا ده علم عشان كده ما ينفعش تتحرك الا باذن العلم العلم الشرعي يقول لك ايه في تغيير المنكر - [00:59:28](#)

يبقى هي ديك قرك بالعلم الشرعي العلم الشرعي يقول لك ايه الجهاد؟ هي دي مشكلتنا من زمان واحنا بنتكلم عن الجهاد ان احنا بنقول يا جماعة ده علم ان في خمس شروط للجهاد نمرة واحد امير - [00:59:48](#)

قال صلى الله عليه وسلم الامام جنة يتقى به ويقاتل من ورائه. الحديث متفق عليه. بيبقى لازم امير اللي هو الخليفة الممكن لازم امير يقاتل من ورائه. عشان كده اللي بيقول لي النهاردة ارواح مش عارف اجاهد فين ولا اجاهد فين اتجاهد ورا مين - [01:00:04](#)

مين هو؟ اميرك. اتنين راية لازم راية تبقى مرفوعة كده. راية لا اله الا الله محمد رسول الله قال صلى الله عليه وسلم من قاتل تحت راية عمية يقاتل عصبية - [01:00:23](#)

فمات مات ميتة جاهلية بيبقى لازم راية مرفوعة انا هروح اقاتل تحت ايه من اجل تثبيت حكم مين؟ ولا لمين؟ لا راية. راية ايه لا اله الا الله لتكون كلمة الله هي العليا. امير راية عدد مزنة الغلبة - [01:00:38](#)

الاسلام ما بيقولكش ضيع نفسك لازم عدد مزنة الغلبة ربنا قال الان خفف الله عنكم وعلم ان فيكم ضعفا فايكم منكم مائة صابرة يغلبه منتين وان يكن منكم الف يغلب الفين باذن الله. بيبقى لازم نبقي نص الاعداء على الاقل نص عددهم. العلماء بيتكلموا بقى راجع في روضة - [01:01:00](#)

الطالبين مبحث فقهي طويل عن هل العدة لها اعتبار ولا لأ؟ زي ما بقول لك المسألة فقهية علم نمرة واحد امير راية عدد مظنة الغلبة دار منعة دار منعة يعني ايه؟ يعني لو اتغلبت ارواح فين - [01:01:27](#)

لازم دار منعة ارجع لها اوي اليها فئة خمسة وهي الاخيرة تمايز الصفوف قال الله ولولا رجال مؤمنون ونساء مؤمنات لم تعلموهم ان

تطأوهم فتصيبكم منهم معرة بغير علم يبقى القضية فيه لازم تمايز الصفوف يبقى الكفار كده والمؤمنين كده المؤمنين يحاربوا الكفار
تبقى كده لكن عشان اتي للمسلمين ده موضوع مش - [01:01:49](#)
خطير على دينك يبقى لما بتتكلم النهاردة في قضايا البطولة اوعى تقولها بس انا بطل وتخرج بقى بالرشاش تقتل في الناس. لا هي
مش لعبة. ده ايه دين ده دين دين الشاهد - [01:02:17](#)
انت بطل وريني بطولتك بانك انت مسلا يوم عشرين يوم وراء بعض بطولتك في انك قم الليل ميت ركعة في وريني بطولتك
في انك انت تتصدق بصدقة اقسم وسط فلوسك كده - [01:02:34](#)
واملاكك. وريني بطولتك انك تتواضع مين وتزل لهم وتدعهم يطئونك دي انواع برضو من الايه من البطولة قال في منزلة الفتوة
بمدارج السالكين قال ايه؟ قلب الفتوة وانسان عينها الا - [01:03:01](#)
تشهد ولا ترى لك حق هي دي البطولة انت مين انا ولا حاجة ولا حاجة تحت رجلك هي دي نوع من انواع البطولة آآ عايز اختم
زهقتوا مني ولا لسه - [01:03:28](#)
عايزين نعوض المرة اللي فاتت النهاردة صلي على الرسول صلي ايثار الله ورسوله على النفس وحظها عن ابي الدرداء رضي الله عنه
قال قال رسول الله صلى الله عليه وسلم ثلاثة - [01:03:57](#)
يحبهم الله ويضحك اليهم ويستبشر بهم الذي اذا انكشفت فئة قاتل وراءها بنفسه فاما ان يقتل واما ان ينصره الله ويكفيه فيقول الله
انظروا الى عبدي هذا حلو قوي انك تستشعر - [01:04:18](#)
قلت لكم يا جماعة في الصلاة الواحد لما يقول الحمد لله رب العالمين فقال العبد يا رب العالمين اميدني عبدي اقف في الصلاة كده
وقل الحمد لله رب العالمين وافرح - [01:04:43](#)
اه ربنا يقول عليك عبدي ايه ده انت تبعه عبدي نسبك اليه هذا مجدني عبدي اثنى اي عبدي يا لسعادتك انت تسمع ربك يقول
ثلاث مرات ابدى غيرها بقى - [01:05:19](#)
في الموقف ده وربنا يقول للملائكة ايه انظروا الى عبدي قال فيقول الله انظروا الى عبدي هذا كيف صبر لي بنفسه اتنين ده نمره
واحد اللي قلنا عليه ربنا يضحك له اتنين - [01:05:53](#)
والذي له امرأة حسنة وفراش لين حسن فيقوم من الليل فيقول الله انظروا الى عبدي هذا يذر شهوته ويذكروني ولو شاء رقد والذي
اذا كان في سفر وكان معه ركض - [01:06:15](#)
فسهروا ثم هجعوا فقام في السحر في ضراء وسراء دول الثلاثة اللي ربنا الاولاني المجاهد والثاني عنده امرأة بيحبها ولو عليه ينام
عنده فراش جيد الدنيا برد شتا والواد اللي عمل لنا الشبابيك في البيت الشبابيك كلها مفوتة ومدخلة - [01:06:45](#)
هواسمت الواحد نفسه يدفن تحت البطانية وذلك يقف ويبقى واقف مأفأف ورجليه متلكة وودانه مش قادر يحط ايده عليها ده
عشانك انت بس لو ربنا شاف الحنة دي من قلبك - [01:07:13](#)
الحكمة ويفرح ويستبشر وآآ اجمل حنة فيها ان ربنا يقول ايه انظروا الى عبدي هذا عنده امرأة حسنة وفراش حسن يذر شهوته
ويذكرني ولو شاء رقد يعني ربنا مقدر منك - [01:07:41](#)
ان انت لو نمت مش هيعذبك مباح. حقك نام واتغطى مش حرام بس مقدر ولو شاء رقد ربنا مقدر منك انك انت لو شئت ركضت
ولكنك اثرت الله قلت له يا رب انت احب الي - [01:08:13](#)
ومناجاتك احب الي وسعادي وقرة عيني انك انت تراني الذي يراك حين تقوم وتقلبك في الساجدين انه هو السميع العليم اخوتي
عايز اسيبكم الليلة دي مع المعنى الجميل انك تقف - [01:08:33](#)
الليلة دي قول مش هرقد يا رب تتجافى جنوبهم عن في جفاء بينهم وبين السرير كان احدهم يضع يده على الفراش ويقول له ما
اطيبك ما ابينك ما احوجني اليك - [01:08:59](#)
والوقوف بين يدي الله احب الي منك اه يحط ايده على السرير كده ويقول له والله مرتبة جميلة ينسن لكن ابدى ما تحاولش احنا

متخاصمين لحد اذان الفجر يقول لي وبعد اذان الفجر ده كلهم ساعتين ونروح الشغل يا اخي ربنا يبارك في الساعتين - [01:09:29](#)

ده في ناس بيناموا ساعتين ويقوم بطل وفي واحد بينام عشر ساعات ويقوم وقد بال الشيطان في اذنيه واصبح خبيث النفس

كسلان. صح ولا لا فعايزين الليلة دي نتعاهد ونتوعد كلنا ان احنا الليلة دي هنقومها - [01:09:51](#)

هنقوم حداشر ركعة. ليه؟ نقول اللهم اجعلني من اهل الليلة دي كلها كده شغلها اخرة. اللهم اقذف في قلوبنا حب الاخرة اللهم لا تجعل

الدنيا اكبر همنا واجعل الاخرة اكبر همنا. اللهم انا نسألك الا تخزيننا في الاخرة. امين - [01:10:11](#)

اللهم انا نسألك ان ترفع قدرنا في الاخرة. اللهم مكن لنا من الجنة في الاخرة. اللهم يسر لنا في الدنيا علوم الاخرة اللهم اعنا دوما على

ذكر الاخرة. اللهم انا نسألك ان تجعلنا ممن همهم الاخرة. اللهم وفقنا لعمل - [01:10:35](#)

للاخرة وعقيدة الاخرة. اللهم ارزقنا عملا عظيما ينفعنا في الاخرة. اشغل نفسك الليلة دي كلها كده دعاء والذكر في طلب الاخرة -

[01:10:55](#)